


UNITED STATES OF AMERICA



FOUNDED 1836

WASHINGTON, D.C.

Ain gûts nutzliche bûchlin von den auß
geprenten wassern.



Dem gûten wasser
dem gûten wasser

Die Schmelzwerk für die Alchimie



Die Schmelzwerk für die Alchimie

12

Die Schmelzwerk für die Alchimie

Tenach steend verzaichnet die außgeprant
 ten wasser. in wölcher maß man die zu den
 b gelycken nützen vnd brauchen sol. als dann
 mayster Michel Schrick doctor der erzney
 die beschribē hat. vñ ist gar güt vñ nützlich zu wissen.
 Item so ainem menschen die red gelige dem geb
 man salua vnd auffenblat wasser.

Zu dem haubt	Salua Berthonien Maioza Laucndel Fenchel Holerblüe	wasser
Zu den augen	Eysentraut Rittersporn Rosen wasser Abersfenchel Rautten Augentrost Schelkraut	wasser
Zu dem angesichts	Liliumconuallium Bonblüe Rutott Rosen wasser mit gaffre ab c mache	wasser
Zu dem herzen	Porrage Wellissa Schssenzungen	wasser

Zu dem
magen

Wermut
Wingern
Rautten
Wolgern

wasser

Zu der
lebern

Ampffer
Wegwart
Maydistel
Erdbber

wasser

Für das
reyssen
od gryn
men

Papeln
Rautten
Nattran
Pffiserling
Aschlach

wasser

Für die
rur

Wegrach
Aichenlaß
Hymelpantz
Ampffer

wasser

Pestilenz

l. Büchampffer
Diptam
Valdrian
Prawnnellen
Weyßwurz

wasser

Für die ber
müter

Polay
Weyßlilien
Subent gürtel
Camillen
Egenbaum

wasser

Für die ge schwulst	Lustock Nachtschat Pilsen Hauswurz	wasser
Zü dem milch	Hymelschlüssel Hyrsenzungen Tamariskus	wasser
Für die wasser sucht	Rünlintraut Atich Wildentknohlach	wasser
Für den sandt in der len d	Mörrettich Tillen Spitzigwegrach Petersil stainbrech Spindelbaum Valdrian Spargen	wasser

Hie nach volgt ain nutzliche matery von manger
lay auß gebränten wassern. wie man die nützen vnd
brauchen sol zü gesunthayt der menschen. Vnd das
büchlin hat Mayster Michel Schrick doctor dertz
ney durch lieb vñ gebet willen erbern personen auß
den büchern züsamen colligiert vnd beschriben.

Zu den ersten von dem Rosen wasser.

Osen wasser ist ain wenig kalt vnnnd vast
truckē. Das selbig wasser ist gebrant güt
den trancken leuten die onnechtig seind
von vnnatürlicher hitze den soll man es
an streichen vnd stercket das hertze vñ ist
güt für die bestilenz. vñ wem daz haubt hayß ist. vñ
sunderlich zu der röte geschwern vñ tranckthayt der
augen. Es ist auch güt zu der hayssen leber. vñ an dē
schlaff vñ pulß gestrichē legt es die schüsse vñ machi
güterinne zeschlaffen. Vnd sunderliche so man ma
nus cristi damit temperiert. daz ist güt für onnechte.
Vnd verstellet auch den fluß der rür in dem Bauch.
vnd erkület die lebern vnd den magen. Vnd ist güt
wenn man plüt auß sprüngle.

Von Rosen die auff den hagendörn steend
Rosen die auff den hagendörn steend. Das wasser ge
braunt ist warmer natur. vnd ist güt den der kalter
natur ist. vñ wem der magen erkaltet ist dem sol man
es geben zu niessen. vnnnd was frechtumbs dann der
mensch von kelte wegen hat. dar für ist es güt.

Von schnellblümen wasser.

Clapper rot rosen oder schnellblümen die in den korn
wachsent. Das wasser ist güt genügt für all ynwen
dig siechtage die von wasser hitz sind besunder zu der
lebern wan si vol vnnatürlicher hitz ist vñ getrunck
en so hilfft es für das wild freysam an iunge oder alt
en leuten. Vñ sunderliche ist es güt für sant Antho
nis plag dar auff gelegt vñ getruncken. Auch die fra
wen die irer tranckthait zu vil habent die trinckē es.
auch ain tüchlin daryñ genetzt vñ zwischē die prust
gelegt dz verstellet in die tranckthait. Auch ain tüch
lin genetzt vñ auff die lebern gelegt verstellet dz plüt

ten der nasen. vnd ist güt für alle feüchtin vnd stete
en in dem mund vnd der leffzen.

Von weyß Lilien wasser.

Der weyssen Lilien wasser ist güt zū dē augē da rein
vnd darumb gestrichē nach dem bad. das zücht die
hitz vñ die rötin auß das sy lauter werden vnd nicht
schwerent. Vnd sunderlichen das anlütz darmit ge
waschē machet es lauter schön vnd klar. Es ist auch
güt wenn ain mensch onmechtig vnd hitzig ist vmb
das hertz vnd vmb die lebern. vñ ist güt den die böß
feüchtigkayt habē vnd die eng seind vmb das hertze
von böser hitze wegen.

Von blau Lilien wasser.

Blawlilien wasser ist güt für alle fieber wölcherlay
sy seind. Es ist auch güt getrunckē für die rotē wass
ersucht vnd lebersucht vñ gelsucht vñ für daz darm
gicht vñ grymen in dem leyß vñ alt wunden vñ den
trebs vñ für Moli me tangre dz haylet es gar schon.

Von Specklilien oder veld gilgen.

Specklilien die in dē dorn wachsendt. das wasser ist
güt für dz hertz gesperz vñ bezwang x m die prust vñ
ist güt den wassersuchtigen vnd dē die lungen faulet
oder geschwer daran habent vñ die ser reichent vnd
machent langē atem vñ raumet die prust vñ ist güt
den die den stain in den lenden haben vñ rainiget die
nieren vñ ist wid die vnkeuschayt güt. Auch ist es tē
güt der sich besorget sunder siech zewerdē vñ wer rot
vñ plateret ist vnder den augen. Es macht schöne vñ
glatte anlütz vñ ist güt wen der troff oder schlag ge
troffen hat. vnd wem die gelider erlamet oder dorret
seind der sol sich damit schmürben so hilfft es in

Von Mayen plümen wasser.

Lilium Conuallium. Das ist Mayen plümenwasser

Das ist güt wer giffte genossen hat. dz sol man im zu
stund zu niessen geben. vñ wenn ain spynn oder ain
gifftig tier oder wurm verunrainiget het od ain wie
render hund gebissen hette. wen sy daz wasser trinckē
so hilfft es sy. Es ist den frawen güt so sy zu den kindē
arbeitend. vñ ist güt für allē vnrainen siechtage vñ
sunderlich zu den augen die klaret es. vnd krefftiget
das hirn vñ dz hertz vñ stercket die synn. vñ ist güt
den die den vallendē siechtagen habend. vñ die sich
fürchtend vor der aussesigktayt vnd frawen krank
hayt vñ wem die sprach gelegen ist dem streicht man
es auff die zungen.

Von Veyel wasser.

Veyel wasser ist güt zu dē vn synnigen vñ die ir syn
ne verloren habend von übeln vñ bösem geschmack
oder rauch. Auch dz wasser in ainem leynin tüchlin
generzet vñ auff die sey gwarzē geleyet die vertreibt
sy. Auch kilet es das hertz natürlich vnd leschet den
durst. Vnd ist auch güt den menschen den die augen
schweren wöllent. vñ ist nützlich vnd güt den die den
hertzstechen habend. wann es kilet vnd krefftiget dē
ganzen leybe.

Von Gelbenveyel wasser.

Gelben veyel wasser ist güt den die sere gehelset haß
en die stercket es. vnd krefftiget die leber vnd die nyer
en vnd machet die frawen fruchtber. vñ rayniget sy
nach der gepurt. es ist auch güt wem dz hirn krank
ist von keltin wegen das wermet es vñnd stercket die
synn. Auch krefftiget es die gedechtnuß vnd machet
güt synn. vnd erfrewet die sele vnd auch dz gemüt.
Auch leütet vnd stercket es daz verdorben plut vñnd
wermet das marck in dē knyen vñ treybet alle kalte
sucht auß. Es ist auch güt dē die das paralys od abir

der schlag getroffen hat dz ym die zungē lam ist. vñ
nit gereden kan wenn man das trincket vñ die seytē
damit wol schmürbet. Auch wenn die hend zitternt d
sol die hendt darmit schmieren vnd nicht trinckē so
benymbt es ym dz zittern. Auch kület es ynwendig
das hertz vñ erfrewet dz geplüte. Auch ist es güt für
alle fleckē die vnder dem antlitz sein. sy seyen vō hitz
oder von kelte. vñ macht das antlitz weysß liecht vñ
klar. Aintüch darynn genetzt vñ vñ das haubt ge
bunden das ist güt vnd legt allen wetagē vñ schüffe
des haubtes vnd macht wol schlaffen.

Von Seeblümen wasser.

Seeblümen die weysen mit dē braytten plettern die
da auff den seen schwebent. Das wasser gebrannt ist
vast nützlich vnd güt für die rotten flecken vnder dē
augen die do von hitze seind. wān es nymbt alle hitz
an sich. Es machet auch weysse hant vnd keltet das
herze vñ die leber krefftiglichen. Auch lescht es alle
fießer an des menschen leyß sicherlich.

Von Rittersporn wasser.

Rittersporn wasser gepreut das ist gar nützlich vnd
güt für alle rōte vñ geschwere der augē. wān so man
ain tüchlin darynn netzet vnd über die augē. legt so
geet alle rōte auß den augen vnd macht sy klar vnd
wōret auch dē geschwern vñ ist güt für allen getrang
in dem leybe vnd für dz darmgicht. vñ wer die speys
mit behalten kan. Auch treybt es den harnn stain.

Von Ochsenzungen wasser.

Ochsenzungen wasser ist güt als das Rosen marin
wasser. Es ist auch gar güt für die schieppē dz haub
tes. vnd sunderlichen so ist es gar güt den frawē für
ir krankhayt vnd sichtrumb.

Von Porragen wasser.

Porrage wasser ist güt in aller maß als von dē rosen
marin plümen. Auch ist es sunderlichen güt für dz
paraliß vnd für alle fluß die von dem haubt komen.

Von Linden plüe wasser.

Lindenplüe wasser ist güt den kinden die den vallen
den sucht habend. den gebman es zerrincken so gene
sen sy. Es ist auch güt für die bermüter vñ zitterung
des hertzen vnd für den stain. Auch ist es güt den die
hend oder fuß erfroren seind vnd zeucht die keltin her
auß. Auch ist es güt für all siechtagen die von keltin
kommt. vñnd sunderlichen den frawen wenn in die
mütter erkaltet ist.

Von Wegrich wasser.

Wegrich dz praytē wasser ist güt für die rür. so man
es gibt mit bolo armenco oder mit dem stain amatist
en zerrincken. dann verstellet es den selbigen fluß vñ
stillt auch den frawen iren siechtagen. Der spitzig
wegrich ist güt zu den wunden wenn man sich damit
wäset so reiniget er die vnd haylet sy.

Von Saurampffer wasser.

Saurampffer wasser ist güt zu allen hitzigen dinge.
wann es kület vnd leschet alle hitzige suchte. sy seyen
ynnwendig oder außwendig. Es kület ser die hitz des
haubtes vnd auch der lebern. vñnd alle gelyder des
leybes. vnd sunderlich sant Anthonis plag. vnd für
die pestilenz.

Von Nachtschatten wasser.

Nachtschatten wasser kület vñnd vertreybet alle hitz
außwendig oder ynnwendig des leybes. vñ sunder
lichen was hayß aposteten oder geschwer seynd. oder
was hayßer geschwulst ist. das getruncken vnd mit
ainem tüch darauß geleyet auß das haubt. wann es
felt stercklich alle ding.

N3
Von büßenzungen wasser.

Büßenzungen wasser ist hayß vnd trucken. Vnd ist außserwelt güt zū dem miltz. Item es wirt dz milzgesye zū zeyten so hört in dem menschē als ain stain vñ krachet lant das man es scheinbarlichē hört als der spen ab prech. Dar für so soll man dz wasser trinckē virzig tag so hilfft es gewißlichē. es ist auch güt für der heshen vnd zerpricht den stain in den lende vnd auch in der plater. Dz ich Michel schrick oft bewert hab das es gar güt ist für schwer grausen vñ forcht sam trem die oft von Bosheit des milz koment. Des gleichen für schwärmütigkeit vñ traurigkeit die auch von dem milz vñ melancoley komen. Item man mag es wol müschē mit wild Senenbaum wasser auff das halbtayl. wann sy seind bayde gar güt für all prechen vnd bosheit des milz.

Von Haußwurtz wasser.

Haußwurtz wasser das kület ser. vnd ist gleich dem Maupfeffer. doch ist es vil kelter an im selber vñ irkains ist dem menschen güt hinein getruncken.

Von Wegrass wasser.

Wegrass wasser ist güt für dē rotē durch gang. auch leschet es das wild fiewer. Vnd wen ain mensch böß platern hat. So man es dan darüßer bindet so hilfft es gar wol.

Von Braunellen wasser.

Braunellē wasser ist güt für das gesegnet vñ dz freysam iungē vñ altē leuten. Auch ist es für die pestilēz güt vñ besunderlich für krüme vñ feule in dē mund vñ wz vō Böser vnnatürlicher hitz kombt dz kület es

Von erdtrauch oder Centaer wasser.

Erdtrauch wasser od̄ kongentreibēl wasser ist güt dē menschē die sich fürchtē vor d̄ außezigkeit. vñ ist güt

getruncken für alle krez vñ reüdigkayt auß dem leib
dörret es. vñ hailer darnach. vñ sund so man nymbt
ain wenig triacters vñ ain güte trunck daruff wen
man in dz bad will geen. so schwitzet man alle sucht
vnd giff auß ym. vnd er sol sich nit begiessen er sey
dan wol erschwizet. wan dz vertreybt all rautē oder
grind ynnwendig vñ außwendig. Es rainiget auch
dē siechtagen der frawen. wann sy es nüzē so sy sein
nottürfftig seind das hilfft so wol

Von Stainbrech wasser.

Das kraut sol gar wol güte sein für dz greyß od sand
Das kraut ist vnden geschickt an den plätlin als ain
rosen vnd hat auff dem plätlin lang rot stengel vñ zū
oberst an den spitzen auch wenig plätlin. Es ist auch
güt für den harnstein den bricht es.

Von Abschlag wasser.

Abschlag wasser ist gar hayß als zwyfal. vñ hat ain
böse feuchtigkayt. vñ ist böß zū den angē. wan man
sein zū vil nüzē. Es macht schlaffen vñ verzeret vil
feuchtigkayt in dem magen. darumb trincket man
es gur die würm vnd für das grynnen.

Von Pappel wasser.

Pappel wasser ist kalt vñ seycht. vñ mer feucht dan
kalt vnd ist güte zū erwaichē all harte ding die hitzig
sind. wan es feucht gar wol ynnwendig vñ außwen
ig Es ist güte zū dē schlaff vñ zū dē hayssenieber. vñ
zū der dōuung wen man damit waschet die bain. vñ
ist auch güte dz man die kregung damit wischt. Des
gleichen groß hüffelen wasser habend die krafft.

Von Beyfuß. subent gurtel od rot buckē wasser
Beyfuß oder subent gurtel wasser ist heiß vñ tructē
in dem andern grad. vñ ist güte zū den schabē an dem
har. vnd laßt bey zeytē part wachsen. vñ stercket die

brust vnd den kalte magen. vñ ist güt für die würm.
vnd bringet die frawen kranckhayt vñ den brunne.
vnd vertreybt den sandt. vñ bricht den stain. vñ ist
güt für dz gicht. Vñ das kraut vertreybt all giftig
würm so man es seüdet vñ sprengt die gemach der
heüßer damit. Vñ law getrunckē vertreybt die beer
müter. Vnd ist güt für die gelsucht vñ für die pla
ung der lebern vnd des miltz.

Von Sparig wasser.

Sparig wasser ist gleich heys vnd trucken. vñ das
wasser bringet den brunnen als vast als der brunn dar
nach schmeckt. vñ darumb ist es güt zu dem sandt. vñ
vertreybet die materi do sandt auß wirt. vnd ist güt
zu dem darmgicht. Es vertreybet auch die stopffern
der leber vnd des miltz auß den lēde. Vñ wen man
wil vertreyben den gemainen stain vnd den sandt.
so sol man das wasser nit müschen.

Item für die Bernüter mach ainen rauch von wey
rach vnd leg in auff ain glüt. vñ halt den mund dar
über vnd laß in wol in dich geen.

Von Tillen wasser.

Tillen wasser ist hayß vñ trucken gleich. vñ ist güt
zu der feuchtikeit der zeen vñ d̄ prust. wānes mache
vil milch der ammen. vnd ist güt zu dem magen. vñ
bringt den brunnen vnd verderbt den sandt.

Von Eufasia wasser das ist augen trost.

Eufasia wasser ist güt winterzeyten zu allerlay ge
brestender in den augen ist vnd wendet den.

Von valdrian wasser.

Valdrian wasser das man außbrent mit dem wurtzen
Das wasser sol man trinckē für das vergichte vñ für
die biß d̄ bösen würm so man es dem streicht für dz
hertz. vñ ist güt für das viertaglich fieber. für dem we

tagen in der seytē ob man sich damit salbt.

Von Felberblüe wasser.

Felberblüe wasser ist güt zū dē gesicht. Es wirt auch das har schön daruon. vñ der vnstat auß dem haubt wirt daruon vertriben.

Von Hymelprant plūmen wasser.

Hymelprant plūmē wasser ist gar güt für alle geschwulst ynnwendig vñ außwendig so man es trincket od ain tüchlin darynne genetzt vñ zwysfach über dē schaden gelegt so die geschwulst außwendig ist. Vnd für das vergicht ist nichtz bessers dan das wasser zū trinckē. Auch wer ynnendē augē hab vō langer zeit der thū ainē tropffen oder zwen in die augen. etliche tag es wirt gewislich besser. Es ist auch güt für all geprechē die von flüssen komet welcherlay die sind. Itē ynnwendig sol man es trinckē. Außwendig an salben. Das wasser ist kalt vñ truckner natur. Ich Michel schrick hab es oft bewert.

Von Freysam wasser.

Freysam wasser ist güt den iungen kindē so sy die vn natürlich hitz überlaufft vnd sy betrencket. den gebe man es zū trinckē so vergeet es in. Auch ist es güt dē die do tempffig seind vñ das hertz vñ vmb die brust daz lufftet vñ hilfft gar wol. Auch ist es güt altē oder iungen leuten die do geschwulst vmb das hertz oder vñ die brust haben oder an der lungen das vertreibt es. vnd ist güt für alle böse hitz.

Von dem erdber wasser.

Erdber wasser ist güt wer vnraynen bösen schwayß hat in ym vñ ynnwendig böß hitz vñ löschet dē durst vñ treybt den stain. vnd macht güt plūt mit wein getruncken oder sunst geessen. Es ist auch güt dē die faulung in dem mund habē. Auch die ain geschwer hab

haben in der kelen. den sol man es gebē zū gurglen in
den halß dz hilfft sy ser. Auch ist es gūt getrunckē für
den stinckenden mund. Es ist auch den menschē gūt
die vngereditigend. so man in dz zū niessen giß dz
hilfft gar wol. Auch so ist es gūt zū dem haubt vñ zū
dē hertzē. wañ es krefftiget sy wol. Auch so ist es vast
gūt den frawē zū irer krankhayt. Auch ist es gūt wi
der das ab nemen. Es ist auch gūt den menschen den
ain bain zerbrochē ist so haylt er dz vñ wechsß wider
umb zūsamen alle bain vñ auch all wuntē da mit ge
waschē die haylt es. vñ wer etwañ in dē leibe wunde
wäre. dem selbigen sol man es zū trincken geben.

Von Weißor wasser.

Weißor wasser ist gūt für das abnemen getrunckē.
Es wöret auch der bermütter. Es ist auch gūt für dz
darmgicht. vñ für den schwindel in dem haubt. vñ
für dz plüt speyen. auch ist es gūt für all fleckē vñ der
dē augē wen man sich damit wäschet vñ nit trincket
so verreibt es die flecken. Vñ ist gūt den frawen dē
die müter übersich steigt vñ sich krenckē vñ dē geym
men vmb den nabel haben. vñ tödtet den wurm in
dem bauch zestunden.

Von Stabwurtz wasser.

Stabwurtz wasser ist gūt den iungen kindē für das
hertz gespon vñ für das geymen in dē bauch. Es
ist auch gūt den kinden die die bermüter haben vñ
auch ist es gūt für die haubt sucht.

Von Taschentraut wasser.

Taschentraut wasser ist gūt getrunckē dem d zū der
nasen plütet. Vñ ist gūt für die roten vñ weissen
rür vñ sunderlichen den frawen die ir sucht zū vil
haben oder auch sunst den bauch fluß. Vñ ist gūt
zū dem stain den verreyßet es.

Von spindelbaum oder pfaffen hödelwasser.

¶ Spindelbaum ist heysß vñ trucken vñ ist güt zñ dē aissen in den plattern vñ in dē niere vñ zñ den hayssen geschweren. vñd vertreybt alle hitz. Vñnd ist gar güt für die gelsucht wān es treybt die geschwulst durch den brunnen auß in ainem volbad. Wag man aber das wasser nit gehabē so scñd die wurtz in ainē wein. vñd trinck das in ainem volbad.

Von Walwurtz wasser.

Walwurtz wasser ist tainem mensche güt zetrinckē wān es ist gifftig. aber sunst wol damit geschmirbet so vertreybt es das gegicht. vñ lescht dz hellisch feur vñd legt alle geschwulst wo sy der mensch hat.

Von Rättich wasser.

Rättich wasser ist güt für den reysenden stain. Auch töttet es die würm in dem magen. vñ bringet die vñdeung. vñd macht harm. vñ trybt den sand. Des gleichen thut der Kreen.

Von Mörättich wasser.

Mörättich wasser ist güt zñ dem reysentē stain. vñ zñ dem plasen stain. Auch das wasser gesalze vñ ein wenig gewermet vñ nüchter getrunckē vñ ain klain zeyt halten. vñ dan ain feder in öl getunckē vñ in α. hals gestossen vñ gewürtz das fñrt die kalten verlegē feuchtigkait auß vñ die wesserigen gallen dauon die terciana vñd quartana komen das vertreybt es.

Von dem wilden Saluan wasser.

Item wild Salua wasser ist güt vñd nützlich für dē steche zñ dē hertzen vñ dem bösen geblüt. Auch so is es güt vñ nützlich den menschen der geuallen oder geschlagen oder gewundet ist das er sich plütet. vñ das plüt das in ym gerunnē ist dz treybt es rō einander vñd treybt es von dem menschen auß dem leyb

Von Gamillen wasser.

Gamillen wasser ist hayß vnd trucken. vñ ist gar natürlich menschlicher complexion. Vñ ist güt zñ aller müdin aller gelider. vñ sterckt die gelider ser. vñ treibt den prunen. vnd rainiget das fieber wenn man trucken damit salbat. Vñnd ist güt für der frawen tranckhayt wann es bringt sy.

Von Petersilien wasser

Petersilien Wasser. ist güt für den nyeren stain. den pricht es vñ treybt in auß. Es rainiget auch die lebern vñnd hilfft zemal wol wer nicht harmen oder gebruntzen mag.

Von Baldrian wasser.

Baldrian Wasser. ist güt wenn ain mensch darynnē nach dem bad ain tüchlin netzet vñ über die augen legt das macht die augen liecht vnd klar von der hitze vñ rauch des bades. Auch dz wasser getruncken vñ auff feygwartzē gelegt vertreibt sy mannē vñ frawen vñ getrunckē hilfft es wenn etwas ergney oder wer sunst zerprohen ist dz haylet es sere. Auch getrunckē des morgens nüchter ee das man auß dem hauß geet ist es güt für den rauch vnd schmack der pestilenz.

Von Bethonien wasser.

Bethonien wasser ist vast güt vñ nützlich für alle such in dem haubte die do vñ hitze seind. mit ainē tüchlin darumb gebunden das vertreybt den wetagen vñ auch die schüsse in dem haubte. Auch ist es güt zetrincken zñ dem verhitzigeten magen vnd leber die kulet es vñ haylet es sicherliche. Auch ist es güt den frawen die zñ den kindē inder geburt arbaytend. vñ seübert in auch ir tranckhait. Auch hailt es alle vergiffte bißse vnd toben der thier vnd wütender hund.

Von Rüttenblüe wasser

Rüthen blüe wasser myndert den frawen ir plödig
kait die es zu vast habend den verstellert es vnd krefft
iget das hertze.

Von Gertelen wasser.

Abrauter oder Gertel wasser ist hayß vñ dürr. vñ ist
güt für den atem der von keltin kombt. vñ für dē kal
ten magen Es verzeret daz rotz in dem magē oder in
dem gedärn auß dem der schleim wechset. vñ die wür
me in dem magen. Auch ist es güt für das vergicht
vnd bricht den stern vnd bringet den harm.

Von Fenchel wasser.

Fenchel wasser ist haiss vnd trucknet gar vast. vñ ist
güt zu den augen. vñ wen die natur vo dem lüg oder
neht geet so laufft sy zu dem fenchel. auch so ist es güt
zu dem verstopfte zu dem miltz. vñ wen sich d̄ barch
plät den purgirt es vnd bringet den harm.

Von Holerblüe wasser.

Holerblüe wasser ist hayß vnd trucken. vñ fürbt die
leber vnd macht das anglütz schön vñ vertreibt die
masen vñ den augē dz von der hitze der sunnē kombt
vnd hilfft zu dem haubt wee hintē auff dem nack
in ain tüchlin naß gelegt vñ angestrichen. vñ weret
der auffezigkayt vnd meret den magen.

Von Blaw Kornblümen wasser.

Blaw Kornblümē wasser zerprucht die fell ob dē aug
en vñnd macht das gesicht lautter. vnd rote augen
werdent dai von schön.

Item wer von seinen synnē kōmen wār. der nemme
Wegrich abrauten vnd sulua. vñ geuß des prantē
weins daran vnd laß in steen ain tag vñ ain nacht.
darnach trinck man dauon fünff tag nach einander
so kōnt der mensch wider zu seinen synnen.

Von Maseron oder Meyeron wasser.

so stirbt der wurme der do wechset dem menschen bey dem hertzen oder an der lebern.

¶ Der geprant wein ist auch güt den menschen dē dz haubt wee thut. wer sein haubt damit zwahet der ist alweg schön vñ lāg iung vñ macht gute gedechtnuß vñ gepranter wein stercket dem mensche seine synn vñ witz. wer sein antlitz damit zwahet d̄ grawet nit. Er tötet auch die nyffe vñ die milben. vñ wem der atem stinckt der bestreich sich damit vñ trinck ain wenig mit anderm wein so wirt ym süßer atem.

¶ Item wer den hūsten hat der trinck geprantē wein mit anderm wein so wirt er gesunde.


¶ Auch wer trübe vñ rote augen haß der streich ain wenig an die browē. vñ wen er schlaffen geet so trāff er tropffen in die augen so wirt er gesunde.

¶ Item wer nicht gehört der trāffe ainen tropffen in die oren so wirt er gehörent.

¶ Auch wer wasser süchtig sey der trinck gepranten wein vñ streich in vmb den Bauch wenn er auß dem bad wil geen bey ainem feüre so wirt ym baß.

¶ Wer auch orwürme oder ander in dē oren hette die sterbent von dem wein.

¶ Getruckt zu Vlin von hannsen hoch
Springen im fünffzehenhundersten vñ
Ain Jar.



[Faint, mostly illegible handwritten text in a cursive script, likely from a 17th or 18th-century manuscript. The text is arranged in several lines across the upper half of the page.]

[A line of handwritten text, possibly a signature or a specific heading, written in a cursive hand.]

[A short line of handwritten text, possibly a date or a reference.]

[A large, stylized handwritten signature or name, possibly 'James Oglethorpe' or similar, written in a cursive hand.]

[A line of handwritten text at the bottom of the page, possibly a date or a reference.]

Med. Hist.

WZ

240

S379v

1501

